

بالیگری نصیب عثمان نوری افندیکن
۴۱۷
۴۱۹
واہ ۴۱۷
واہ ۴۱۹

﴿ اشبور ساله نك مترجى اولان شيخ الاسلام محمد عارف ﴾
 ﴿ افندى مرحومك ترجمه حالىدر ﴾

مولاناى مشار اليه اسدل الله تعالى سوابق رحته عليه صدور عظامدن
 مشرب افندى مرحومك حفيدى و كبار مدرسين دارالخلافة
 العليهدن وزير مفتشى اسبق مرحوم و مفطور شاطر زاده امين
 افنديك مخدوم معارف بدي اولوب ﴿ شرف مهد وجود اولدى
 جناب عارف ﴿ تاريخ تامى حسابجه بيك ايكيوز التى سنه سى
 خلانده اشعه پاش سايره عالم شهود اوله رق هكامة صباوتى
 امرار و تمير يياض و سپاه و تفريق امثال و اشباهه كسب اقتدار
 ايلديكى كبي مشاهير اسانده اعلام و جهابذة فضائل اتسامدن
 كك تقوى عبدالله فندى و بيوك امين افندى مرحومك مجلس
 درس فبض رسلرينه ملازمت و جمع رأس المال معارف و كالاته
 بذل جل اقدام و حصر مقدرت ايلوب مكنوز فطرت ذاتيه لرى
 اولان استعداد تام و فطانت مالا كلام ايحايجه مدت قليله ظرفنده
 تحصيل دستايه فنور جزئيه و كلييه و تكميل و ايه علوم منشعبه اشجون
 عقليه و قايه ايلدك نصر كره شيخ الاسلام اسبق چلبى زاده حفيدى
 مرحوم زين العابدين افنديك امتحان طالبان طريق تدريس ايچون
 تسكيل و ترتيب ايليش اولديغى مجلس على به داخل اوله رق اثبات
 مدعاى اهليت و استحقاق و ﴿ الدى رؤسى عارف كه بال امتحان ﴿
 تاريخى منطوقجه ايكيوز اوتوز ايكي سنه سى رجب شريفنك
 اون اوچنچى كوزى ابتداء خارج ايله سلك اللال مدرسينه انخراط و الهاق
 ايليش و سنه مرقومده سرلوجه كتاب ففاهت و فضائلندى
 شيخ الاسلام اسبق صدق زاده احمد رشيد افندى حضرتلرينك
 صهرتتى شرفنه نائل و ايكيوز اوتوز التى سنه سى خلانده مخلفات
 قسانلغى و مؤخر صدر اسبق سليم پاشا مرحومك زمان صدارتنده
 و شيخ الاسلام اسبق قاضى زاده طاهر افندى و قان پدر و الا كه لرلى

هشتم رالیه احمد رشید افندی و مکی زاده مصطفی عاصم افندی
 حضرتانک او ان مشیخترنده تحت نظارتلرنده بولنان اوقاف مقننلکی
 مثل او خدمات شرعیه ده استخدام و قرق بش تار بخنده تکر بر نفوس
 مأموریتله روم ایلیده کائن دو بنیجه و رادومیر فضالینه اعزام
 اولدر قی با جمله امور موکوله سنده ابراز ایتمش اولسدیغی مساعی
 مشکوره سی مرتبه قصوای تحسین و تقدیره واصل اولمشدر
 وطر بقیجه دخی داخل دائرة البروج تدریس اولسدیغی تار یخندن
 اعتبارا اون طقوز سنه طرفنده حرکت التمثلی راده سنه قدر حرکات
 طبیعی و معتاده و بعده خامسه سلیمانیه طفره ایله دورمدارس رسمیه
 و قطع منازل مرتبه علیه ایدرک مشارالیه مکی زاده عاصم افندی
 مرخومک زمان مشیخترنده ایکوز اللی برسنه سی ربیع الاخرینک
 غره سنده غلطه قضاسی مولویتنه شهنشه دهندة اقبال اولمش
 والحاله هذه مطبوعا پیرایه کتبخانه دهور و متداول ایادی فقهاء
 عصور اولان جامع الاجارین نام کابک مسائل مترجه سنی مأخذلرینه
 تطبیقا تهذیب و تصحیح و نقول مذیله سنی علاوه معلومات صحیحه سیله
 ترتیب و تنقیح ایدرک احسن صورتله شیرازه بندتیم اولدقدنصکره
 خاقان خلد آشیان سلطان محمود خان حضرتلرینه عرض و تقدیم
 ایلمسی اوزرینه مولویت مذکوره بی ضبطندن طقوز ماه صکره یعنی
 اللی ایکی سنه سی محرم الحرامی غره سندن اعتبارا عهده استیباللرینه
 مکه مکرمه پایه رفیعی توجیه و قدر والاری ایجال و تنویه بیورلمشدر
 ومدت مولویت و حکومتنی بالتکمیل طی سهل جرح و تعدیل
 و تسجیل ایلمد کدنصکره اوچ ماه قدر محکمه عسکریه قساملغی
 خدمتنده گذارنده وقت و ساهت و بعده کندوسنک مسلم و برکال اولان
 معلومات فقهیه و درایت ذاتیه سی جهتیله * فتوا امینی اولدی
 بوییل عارف فقیه * تاریخی مؤداسیجه اللی اوچ سنه سی خلانده
 فتوا اماتی مسند معتاسنه رونق طراز مسعدت اولمشدر * عارف
 دانا سزادر پایه استانبوله * تاریخی مفزاسیجه ایکوز اللی درت

سنه سی ربيع الاخرینک اون بشی کونی استانبول پایه سیله قدمه
 معراج قدر و مزیتی ترفیع اولنه رق فتوا اماتی ههده سنه قالمق
 اوزره قبه مصعد کیفیت معلومه سی ایچون مأموریت موقته
 و مخصوصه ایله قدس شریف جانب عالمسنه کوندرلمش و امور
 مأموره سنی بروفق دلخواه تسویه و ایفا و برچوق مقامات مقدسه تک
 زیارتیله احراز شرف عالمها ایدرک دارا لخلافه العلیه یه قفول
 و عودت ایلشدر ❁ شرفه الدی اناطولی پایه سین عارف ❁ تاریخ
 تامی مفادینجه الی الی سنه سی شوال شریفنک بشی کونی قامت
 اسنیالارینه جامه پایه صدارت اناطولی اکسا وقتوا اما نئندن عغویله
 اناطولی طرفنه تفتیش احوال بلاد مأموریتیه اعزام و اسرا بیوریلوب
 مدت قلیله ظرفنده اجرای اصول هدالت و نصفت ایدرک آستانه یه
 آئل و ختم کتاب کلفت اسفار ایله محقق صفایح صحائف اسفار
 و رسائل اوله رق صدرارای صفة استقرار و استراحت ایکن
 ❁ فتوا امینی اولدی ینه عارف فقیه ❁ تاریخی مصداقجه
 الی طقوز سنه سی خلاننده دفعه ثانیه اولق اوزره فتوا اماتی
 منصب جلیله شرف افزای فقاہت و تاریخ مذکورده مشارالیه
 عاصم افندی حضرتلرینک امر و اشارتیه بروسه وی دده افندی
 مرحومک سیاستنامه نام رساله مشهوره سنی احسن صورتله ترجمه یه
 خامه جنیان همت اولشدر و ایکبوز التمش ایکی سنه سی خلاننده
 مجلس والای احکام عدلیه اعضالغنه پیرایه بخش اجلال اوله رق
 شه شعه مشعله جاه و اقبالی تجدد و حل و عقد مصالح مهمه و معظمه
 سلطنت سنیه ایله کسب استبداد و تفرد ایلش و ایکبوز التمش اوچ
 سنه سی ربيع الاخری غره سنه مجلس مذکور اعضالغنی عهده سنه
 قالمق اوزره مشیخت اسلامیه ده سلف ذیشرفلری اولان حائر
 قصب السبق معارفندی احمد عارف حکمت بک افندی حضرتلرینک
 اشارت علیله لر یله بالفعل اناطولی صدارتی و ❁ بودمده پایه لندی
 صدر روم عارف افندیکن ❁ تاریخی مضمونجه سنه مرقومه


جادی الاولیٰ سنک اون طغوزنجی کونی صدارت روم ایلی پایه
 رفیعی ایله نائل مرام و ❁ عزایله عارف افندی صدر روم اولدی
 بوییل ❁ تاریخی حسابجه ایکبوز التمش سکر سنه سی رمضان
 شریفی غره سنده بالفعل صدر والای روم ومدت معتاده صدارت لرنده
 میرشارایله حضرتلر بیک انضمام رأیلریله اموال ایتم حقیقه
 الحاله هذه مرعی الاجرا اولان اصول مضبوطه و مستحسنه بی
 تأسیس و ترصین و اموال ایتم مدیری عنوانیله برذاتی مجددا مأمور
 مستقل نصب و تعیین ایدرک اموال ایتمک تلفدن صیانت و وقایه سی
 خصوصنه موفقیتی مثللو منصفه ارای ظهور اولان نیجه مأثر مدوحه
 عدالت و حقانیت مسئله سی غبطه فرمای قروم اولمشدر
 و بعد الانفصال مجلس مذکوره حصر مداومت و فتق و رتیق امور
 دولت علیه ایله امر اروق و ساعت ایلمکده ایکن ❁ عارف بالله
 اولدی بمن ایله مفتی الانام ❁ تاریخی اشرا بنجه ایکبوز التمش
 سنه سی جادی الاخره سنک یکرمی برنجی صالی کونی ❁ ايس من الله
 بمسنکر ان مجمع العالم فی واحد ❁ نشیده سنجه نسخه کبرای فضائل
 و کمالات انسانیه و عنوان کتاب عوارف و معارف انسیه اولان ذات
 کروی الصفاتلری رونق بخشای مقام معلائی فتوی و زینت افزای
 مسند والای مشیخت عظمی اولمشدر شارایله جلائل شمائل
 مدوحه عفت و حقانیت ایله متصف اوله رق زمان سعد اقتران
 مشیخت لرنده امور شرعییه و مواد متنوعه سلطنت سنیه ک رؤیت
 و تسویه سی حقیقه بدل ما حصل همت و وظائف مرتبه مشیخت
 اسلامیه بی کاهی حقها ایفایه صرف جل اقدام و مقدرت و طریق
 علیه به متعلق نیجه اثار نافع و مستحسنه به موفق اولوب از جمله
 تقلبات عصریه ایله اصول موضوعه سنه خلل کلی کلمش اولان
 طریق قضا ایله طریق حکومت و نیابتیه مجددا نظامات مخصوصه
 تأسیس و تأسیل و باب فتواده ذوات معدوده دن مرکب بر مجلس
 انتخاب تشکیل و مالک محروسه ده استخدام اولنان حکام شرعی

اصناف خمسة به تقسیم و حکومت شرعیہ تک موقوف علیہی اولان
 علم فقہ و صک و فرائض تعلی ایچون خدمات شرعیہ ده استفدام
 اولتیق داعیه سنده بولنانلره سلیمانیه جامع شریفی جوارنده معلمخانه
 نواب نامیله بر مکتب کشا دیله بذل لطف عیم الیش اولدیغی حالده
 ایکیوز یتیمش بش سنه سی جادی الاولیسنک بکرمی برنجی کیجه سی
 * جنه المأوی اوله عارف افندی به مقام ❁
 مصرع تاریخچه عازم دارالسلام وادرنه قیوسی خار جنده کاش
 مصطفی پاشادرکاهی خطیره سنده متواری خاک عنبر قام اولشدر
 رجه الله علیه

❖ ❖ ❖ فهرست ترجمه سیاستنامه ❖ ❖ ❖

۱۹ وجه خامس احکام سیاسیه ده	۴ مقدمه
توسیع	۴ ضابطه فی تفاوت العقوبات
۲۰ وجه سادس حال ضیق	عند تخالف الجنایات
اولدقه احکامه وسعت اعطا	۶ زواج رایله متنبه اولیان
۲۲ امام المسلمینک اکبر رأیله	کنه بی سیاست قتل
عمل بیورملری	۷ سیاستی تعریف و تقسیم
۲۳ فسادی غمیلان اولان فتنه	۹ سیاست عادله بی فصول
کارلری قتل و اعدام و فیه بعض	علمیه به توزیع
مسائل قطاع الطریق	۱۰ احراق نار ایله عدم جواز
۲۹ ضرر عامی دفعیچون ضرر	سیاست
خاصی ارتکاب	۱۱ سیاست خلفاء راشدین
۳۰ فصل ثانی احکام سیاسیه ایله	۱۲ سلطان المسلمین سیاستده مخیر
قضاة ایچون عمل ایتمک	ایدوکی
۳۳ نهی منکره دائر مسائل و فیه	۱۲ توسیع سیاستی موجب
مسائل تزکیة الشهود	وجوه دن وجه اول
۳۷ فصل ثالث نظر والی ایله نظر	۱۳ وجه ثانی مصالح مرسله
قضاة میاتی بروجه تفصیل تفریق	۱۵ وجه ثالث اختلاف احکام
۳۹ متهم مضروب اولدیغی	سیاسیه
حالده اقراری	۱۷ وجه رابع قوانین سیاسیه
۴۱ سفهای تشهیر ایله تکدیر	دلیل قطعی به اسنادی
۴۲ مسئله مشکله ده اهل علمله	۱۷ مصالح عباد ایچون تشریح
قضائک اسنشاره سی	بیوریلان صنوف سته
۴۵ طلاق و عتاق ایله تحلیفک	۱۸ فقدان عدالت عند نده اصلح
عدم جوازی	قومی والی و حاکم قبیلی

۵۸	مجلس قاضیه اکراهک تحقق وعدم تحقیق	۴۶	فصل رابع منہی اویچ قسمہ تقسیم
۶۰	ولایت قاضی ایله ولایت والبنک میانلرینی تفریق	۴۶	قسم اول بری الساحه اولان قسم ثانی شر وفساد ایله منہم
۶۱	تعمیم ولایات و تخصیصده ضابطه	۴۷	خباثتکار اقرار ایچون سیاسته تعذیبک
۶۱	قسم ثالث مجهول الاحوال اولان منہم	۵۰	جوازی حقیقته وقوف متعذر اولان
۶۱	فصل خامس تعزیه متعلق مسائل	۵۲	مواد ده تحکیم سپیا اکراه هدا و لتوب اولنمیان مواد
۶۱	خاتمه هدیه ایله رشوت میاتی تمیز	۵۳	اشراف ایله ادا نینک فرق وتیزی





بِسْمِ اللّٰهِ الرَّحْمٰنِ الرَّحِیْمِ ﴿﴾

الحمد لله الذي انزل على رسوله الشرايع والاحكام * وبينها على السنة
 العلماء الاعلام * وفوض تنفيذها الى السلاطين العظام * والصلوة
 والسلام على سيد الانام * وعلى آله وصحبه الى يوم القيام (بعد ذا)
 زد ارباب عقولده معقولدرکه جناب جليل الجيارجل برهانه وعز
 سلطانه كافة مخلوقاتى احسن نظام اوزره خلق وابداع وما بين
 الخلائق ابداع الانواع اولان نوع بنى آدمى تكليف احكام منتظمه اليه
 بوجه تكميم احسن تقويم اوزره ايجاد واخترع ايلدكد نصكره
 بالطبع افراد انسان تعبيرنده اختلاطه محتاج وبالضروره يكديكره
 باهر الاحتياج بولنوب بودخى بالاخره بر مقتضاي بشرية تنازع
 وتنافر ليه بادي وبوملايه اليه فيما يشرع بينهم مقصود شارع
 اولوب نفس ليه عائد مصالح معاش ومعادل ينك خلل پذير اولسنه
 مؤدى اوله جنى امر بديهي اولغله انتظام مصالح دنويه
 واخر و به لى فروع سهلة الحصوله بيوسنه اولان قوانين سياسيه بى
 وضع وتأسيس وتطرق خللدن صيانت ايجون سلاطين عدالت پيشه
 حضراتى رتبه رفيعه خلافت احسانيله ترئيس بيوردى وقتا كه

خلفاء عظام وملوك كرام حضراتی دخی بحسب الكثرة ياخود
 باعتبار المبادءة جميع تبعه لینه هر بار ملاقاتك استجماله سی نمایان
 وتسوية امور لینه بالذات مباشرت عديم الامكان اولمغه بنابرین
 ودیعة الهیه اولان مصالح عبادی رؤیتة اهل بولنان حکام وولایة
 تقلید قضاء وتفویض ولایات برله هر برین اقطار وبلادہ تعیین
 وتخصیص بیوروب بعدہ نظارت عامہ الیہ اکتفا وپووجهله دنیا
 وآخرتہ جادء مستقیمہ سلوک واقتفا بیوردیلر وفقہم اللہ تعالی
 وایدهم الی قیام الساعة کالدیکہ اول مسالک فسیح الانحایہ میل برله
 شرفیافتہ امتیاز اولان وکلای صاحب تمکین ووزرای شجاعت قرین
 جناب لینه سیاست عادلہ بی ظالمہ دن فرق وتمبیر ایچون احکام
 سیاسیہ یه منطلق اولان فن جلیلی علی الوجه الاتم تحصیل وتعلم اہم
 والزمدر لکن مسائل مر قومہ کتب فروعیہ دہ لاهل الترتیب
 مسطورہ اولمغله ابوابنہ انتساب اصحاب شغلہ غیر یسیر بلکہ ہسیر
 اولدیغنه بناء بوندن اقدم ارباب ہمت واصحاب دقتدن منقاری زادہ
 بروسہ وی مولانا (دده افندی) نام فضیلت قرین علیہ رجہ
 الملك المصین افادہ مر امسده لازم اولان مسائل کتب معتبرا تدن
 جمع وتدوین و(سیاستنامہ) نامیہ تسمیہ وتعیین ایتمش ایسہ دہ لکن
 رسالہ مزبورہ لباس ہریہ الیہ پردہ پوش اولمغله تعجباللغواثد لسان
 ترکیدہ تعبیرات روزمرہ الیہ ترجمہ سی خصوصنی خیر خواہ
 دولتعلیہ دن برذات حمت سمات دیانت شعار بو عبد کبضاعہ یه
 امر و اشعار بیورمغله متوکلا علی اللہ المستعان رجہ حاصل معاینستہ
 اہتمام وبالایجاب تقدیم وتأخیر وتفصیل واجمال برله انحلال عقدہ
 اشنباهی التزام ولوازم ضروریہ دن معدود بعض فوائد نادرہ دخی
 قبل الشروع فی المرام وضع وتقدیم وکارنا صواب ارتشایی ارتکاب ایدن
 طاقتہ خانقہ یه تعزیر وحقارت مقتضای حکم سیاست اولمغله رشوتہ

متعلق اولان مباحث دخی خاتمہ رسالہ اولیٰ اوزرہ ضم والحاق ایله تمیم
 قیلندی بروجه مشروح صورت پذیر اولان ترجمہ نک محفظہ پیرای
 حسن قبول اولسی جناب واهب الامال دن متضرع و مستول و حسب
 البشریہ وقوعیا فتنہ اولان سهو و هفواتک احما و تصحیح یورلمسی
 دخی خلان فضائل نشان دن مسترجا و ما مولدر انه ولی الاجابه
 والتوفیق وبالاستعانه یلیق

(مقدمه) سیاست لغتده حراست و زنده برنسنده یه تقید و صلاحی
 خصوصنه اهتمامه کوروب کوزتمک معناسنه اولوب بعده امور
 رعیتہ محافظه برله والی و حاکم اولقی معنا سنده استعمال اولندی
 الحاصل کافه عبادی دنیا و آخرتده منہی اولان طریق مستقیمه سوسی
 و ارشاد ایله استقامت احوال لرینی حفظ و حراست دن عبارتدر انموزجده
 ابن الفناری و مفرد اتدن قهستانی مرحوم نقل و بیان ایدر که مراتب
 سیاست تعلق و تأثیر اعتباریله اوچ نوعدر رسل و انبیا علی نبینا
 وعلیهم السلام حضرت اتدن خاصه و عامه نک ظاهر و باطن لرینه در
 وورثه انبیا اولان علماء اصلام رحیم الله حضرت اتدن خاصه نک
 فقط باطن لرینه در و خلفای عظام و سلاطین کرام ایدهم الله الملك
 العلام جناب لرندن خاصه و عامه نک انجق ظاهر لرینه در بنا برین
 سیاست عامه نظر مسلمین ایله مشروط اولان رأی امام المسلمینه مفوض
 و منوطدر یعنی هر بر جنایت و معصیتکه شرع شریفده حدود
 مقدره سی اولسون اولسون ارتکابه متعاسر اولان شخص خباثتکاری
 لمضله العباد زجر و تأدیب و منع و تغریب سلطان المسلمین ایچون
 سیاست تجویز اولمشدر * معین الحکامنده علاء الدین طرا بلسنک
 امام ثانی ابو یوسف رحیم الله حضرت لرندن روایت ایلدیکی
 ضابطه دخی بیلتمک کر کدر که جرایم و جنایات صغر و کبرجهتیه
 متخالفه اولدیغی کی اوزرینه مترتبه اولان زواجر و عقوبات دخی

بحسب المقادير والاجناس متفاوتة وصاحب جريمه مك متهم وشري
 اولوب اولماسى جهتيه منباينه در و امام سرخسى رجه الله
 جنابلك روايت ايلدكلى اصل اصيل دخی امام مشار اليهدن
 منقول اولان ضابطه بي مؤيد در كه حقيقتنه وقوف ممكن اوليان
 اموره خلافى متين اولدجه حكى ظاهر اوزره بنا قتل لوازم
 احوالسدندر مثلا بر مسلم امصار مسليندن بر مصره آچقدن ادخال
 خرايلك فعل قيهنه اجنصار ايدوب لدى الماخذ بن بوخري
 خل ايتك استرم ياخود بنم دكلدر ديمك مثلاواعتذار ايلسه نظر اولنور
 اكر اول مسلم خرايله متهم اوليان بر رجل متدين ايسه ظاهر حالى
 صدق مقاله شاهد اولغله اعتذارينه اعتبار و تخليه سبيله ايتدار
 اولنور و اكر اول مسلم خرايله متهم ايسه ظاهر حالى قصد ارتكاب
 حرامه دليل اولوب قصد مزبور اوزره ظاهر اولان فعلى دخی حرام
 اولغله نهى منكر طريق اوزره خرنى اراقه ايله حرامدن بعد المنع
 امام المسلمين اول شخص منهى اظهار خرمثالو حرامى ارتكابه بناء
 تعزير ضرب سياطه ايلام و ايجاع و توبه سى ظاهر اولغيه دك
 حبس و تشكيل ايله ازجاج ايتكى رأى ايدرسه مناسب كور بلور اتمى
 يعنى نظرا المصلحة العباد امام المسلمين ايجون تجوز اولنان رأى سياست
 بالفعل فسادك نهققى و سبب هادى اولان شخصك فى الحقيقه شري
 و متهم اولمسيله مشروط دكلدر زيرا قبل الوقوع دفع فساد بعد
 الوقوع رفعندن اسهل ايدوكى مسلدن حتى بعض معتبراته نظر
 رسيده اولمشدر كه برمبندك انتشار بدعتنى توهم ايدن پادشاه
 دياتمدار ايجون صيانة للعباد اول مبتدعى قتل و اعدام ايتك جائز
 و سزاوار اولور و بو خصوصه دليل مقبول كشف و معين الحكامده
 مسطور شول اثر منقولدر كه خليفة ثانى يعنى جناب عمر بن الخطاب
 رضى الله عنه حضرت نلى اهبل مدينة طاهره دن نضر بن الحجاج

نام غلام صبیح الوجهک حسن وملاحتی طائفة نسا میا ننده تـکون
 فتنه ید باعث اوله جفندن تحاشی بیوردقلرینه بنساء غلام مزبوری
 حضور عدا لتوفوره جلب واحضار بعده صاچنی تراش وبصره ید
 ننی واجلابرله دارالهمجره بی تطهیره ابتدار بیوردیلر حالبوکه حسن
 وجمال ننی وتعزیری موجب کاه وجرایمندن معدود دکل ایکن خلیفه
 عالیجناب لمصلحة العباد خصوص مزبوری سیاست استصواب
 بیوردیلر قالدیکه برمفسد اخف زواجرایله مندیری ومندفع بلکه
 مجرد تهدید وانذار ایله هر تفع ایکن اشد عقوبت وتنکیله میل وعدول
 سیاست عادله دن تجاوز وغفولدر مثلا برهینندن هیئت تلون ایله
 موصوف وشروفساد ایله معروف اولمیان برکسنه حد مشروعی
 نایاب مجرد حقوق اللهدن تعزیری موجب بر فعل منکری ارتکاب
 ایلسه امام المسلمینه لایق ورو اولدر که مره اولی خطاعد اولتوب
 عفوا یله معامله فقط انذار ایله مقابله بیوره زواکر بعد الاخافه ینه
 ارتکاب منکره اقدام ومخالفت امره اهتمام ایدرسه جناب رسالتپناه
 علیه اکمل صلوة الاله حضرت تیرندن روایت اولنسان ❖ قد اعذر
 من اندر ❖ حدیث شریفنه بنساء شایان التفات اولمیان اعتذارینه
 اعتبار ایتموب همان تعزیر وتنکیلنه ابتدار بیوره زواکر بایده عقاب
 وتأدیب مورث نفع عجییدر که هم عاصبتک از جارینه بادی هم غیره
 عبرت اولوب اسامت ادبه عدم اجتنار لینه مؤدی اولور واکر چه
 بعد العقوبه كذلك اول شخص خبائثکار متزجر ومرتدع اولیوب
 بلکه کبار ومحرماته میل واتهماک اوزره اصرار وایضاظ فتنه وظلم
 وفسادینی اعلان واطهار ایدرسه تعزیرا قتلی دخی مباح اولغله
 سلطان انام نصره الله الملك العلام حضرت تیری شخص مزبوری
 قتل واهدام ایتمکی رأی بیور رایسه سیاست قتلی مشروع وقاتلی فائل
 اجر جزیل اوله جنی خزانه ومنح الغفار نام کابلدره مسطور در

قاموس المحيطه التعریض لغتی بچشده لاجل الاستشهاد جناب
 صمیره بن جناب رضی الله عنه حضرت تارندن مروی اولان ❖ من عرض
 عرضناه ومن مشی علی الکلاء قذفناه فی النهر ❖ مقال بلاغاً لارنده
 بومعنا به اشارت وایما در کاردر پس بوراده کلاه شداد وزنده اسکله به
 دینکله اسکله به یوریمیکی تصریح قذفه ونهره آتوب غرق الیسی حد
 شرعیده استعاره طریقله افاده یورمشلردر مراد هالیبری برکسته
 بری الساحة اولان دیگر کسته به کابه وتعریض طریقله قذف
 ایدرسه بزذخی تعریضه مقابل حد شرعی مبلغته بالغ اولیه جق
 حد خفیله تأدیب ایدرز واکر تصریح جهتیه قذف ایدرسه
 بزذخی حقیسه حد شرعی بی اجرا وتکمیل ایله تعذیب وتکبیل
 ایدرز دیو متخلق اولدقلری اطوارعدا الشعاری تفهیم وتعلیمدر
 والحاصل لا تتم الریاسة الا بحسن السیاسة اقتضاسی اوزره علی سنن
 العدل والاستقامة سیاست اقدم مهمام سلطنت ومدار انتظام ملک
 وملتدر زیر ناسک خوف عقاب امرادن ناشی محرماتدن امتناعلری
 خشیه اللهدن ناشی انتر اهلرندن اکثر وافر در ومعنای مذکورده
 ❖ ما یزع السلطان فوق ما یزع القرآن ❖ کلام کوه نظامی مقبول اهل
 اثر در یعنی سلطانتک سیف و عقاب ایله منع ایلبدیکی قرآنک نصح الیه منع
 ایلبدنکنندن ازید وافر در دیو امام سرخسی رحمه الله تفسیر و بیان
 یورمشلردر هذا اوان الشروع فی المقصود بعنايه الملك المعبود ❖
 هدایه شرحی عنایه نام کابده بیان اولدیکه سیاست شرع شریفده
 حکمی ثابت ومبین اولان جنایتک جزاسنی تغلیظدر یعنی ماده فسادی
 دفع ایتک ایچون جزای غلیظ وشدید فلیقندن عبارتدر وعلامه الدین
 حنفی رحمه الله معین الحکامده سیاست طرق شرعیه دن لولد یعنی
 اثبات وتحقیق معرضده اول سیاستی شریعت مغلظه در دیو تعریف
 وتحدید بعده ظالمه ایله عادلیه تقسیم و تمهید ایدوب دیدیکه سیاست

حصول مقاصد شرعیه به مدخل یعنی بر وسیله واسعه در که کمال
 وسعتدناشی فطانت رهین اولان اهل علم و حیثیت بو خصوصه
 طریق سدیدن میل وانحنا وبر و حشنه جهتیه قرین رتبه رتبه اولان
 اصحاب ثبات و مزیت زیغ و خطا ایلدیلر چونکه سیاستی بالکلیه
 ترک و اهمال حقوق هادی ضایع و حدود حقه بی معطل و خالی قلمه
 مفضی و طبعترنده فساد مر کوز اولان بر امر ترک اظهار فساد
 و ایقاظ فتنه به تجاسر رتبه بادی و اهل عنادک جرئت مخالفترینه
 بر نوع اعانه مؤدی اولور کذلک سیاستی زیاده و توسیع اتمک دخی
 نیجه مظالم شنیعه بی موجب و بغير حق سفک دما و اخذ اموالی
 مستوجب اولور لکن خیر الامور اوسطها لازمه سنجیه زیاده
 و نقصانندن عاری اولان سیاست عاده به توسل برله محافظه حقوق
 عباد و رفع مظالم اهل عناد و زجر و منع اهل فساد مثلونجه مقاصد
 شرعیه به توصل اولور الحاصل زیاده و نقصان جهتیه بالاخره
 ظلمه مؤدی اولان سیاست ظالمه ابله تعاملی شرع شریف منع ایدوب
 اظهار حقه بادی اولان سیاست عاده به رجوع و انصرافی اقتضا
 ایلشدر بنا برین بویا بده مسلك تفریط مذمومه سالک اولان اهل
 عناد سیاست شرعیه ابله تعامل قواعد شرعیه به منافی و محل اولوق
 زعم کاسدر رتبه بناء قوانین سیاسیه تک اقل قلیله اعتبار و اکثر بستندن
 صرف انظار برله جانب حقندن وضع و تعیین یوریلان سبیل
 واضحه بی سد و بند و اعتیاد لری اوزره حتی عدم قبولده اصرار
 و عناد و مخالفترندن ناشی طرق فاضحه و قبیحه به میل و غدوله
 اجتناب ایدر اولدیلر چونکه سیاست شرعیه بی انکار نعوذ بالله
 نصوص شرعیه بی عدم قبولی موجب و خلفاء راشدین حضراتی
 خطا و غلطه نسبت مثلوا سائنات ادبی مستوجبدر و وجه صوابدن
 بی بهره اولان بر طائفه دخی بر اهین قطعیه ابله مبرهن اولدین اوزره

کافه عبادک امور دینیہ و مصالح دنیویہ لر بنی بروجه کمال متمم و مکمل اولان سیاست شرعیہ بی سیاست خلق و مصیحت امتدن قاصرہ دردیو مجرد توهم باطل للرینه ابنا برله مسلاک افراطه ذاهب اولوب حدود الهیه بی متجاوز و قانون شرعدن خارج انواع مظالم و بدع اختراعنه متجاسر اولدیله بودخی جهل محض و غلط فاحشدر که جمع مصالح عباد کندیسنده داخل اولان ﴿ اليوم اکملت لکم دینکم ﴾ نظم جلیلی و حضرت سید الابرار علیه السلام دن روایت اولنان ﴿ ترکت فیکم ما ان تمسکتکم به لن تضلوا کتاب الله و سنتی ﴾ مقال لؤلؤ مثالی کافه امور همداده کافی ایدوکنه برهان و افیدر و برطائفه هدایت قرین دخی افراط و تفریط میسائنده اولان مسلاک عندهم الاعوجاجه سلوک ایدوب شرع شرعی سیاستله جمع و تألیف وجد و جهد ایله شرع شریفه نصرت و اعانته صرف مقدرت و حقیقت و ثباتی مقرر اولمیان اباطیلی دفع و ازاله ایله مدح و ثنایه شایان اولدیله

● معلوم اوله که سیاست عادله فصول همدیده بی مشتملدر ●

● فصل اول سیاستک مشر و عیننه دار تکاب و ستندن استبدال اولنان کیفیت دلائلی تحقیقه متسداً مسائل بیاننده در ●

لکن بوجت مطلوب و جوه کثیره اولوب رساله تک اصل اصیلی مثابه سنده اولان معین الحکامده مسطور و مبسوط اولغله اصله مراجعت اولنسون قالدیکه خلفاء راشدین و ملوک عدالت آیین و قضاة مجتهدین حضراتک سیاستلری یعنی بطریق سیاسته حقوق عبادی استخراجلرینی بیان دخی و طیفه مفصلات اولغله بورساله مختصرده تطویرلسدن اجتناب برله همان بعضیسنی ذکر و بیانز استصواب اولندی شروع المشارقه ان باینده علیه الصلوة والسلام حضرت لرندن روایت اولنان ﴿ من غرق غرقناه و من حرق حرقناه ﴾ مقال جلادتمال سیاسته محموددر کذلک شروع مزبورده

مذکور در که رسول اکرم صلی الله علیه وسلم ❁ ان النار لا یعذب بها
 الا الله ❁ یعنی نار ایله انجق الله عذاب ایدر قول شریف لرنده
 احراق ایله تعذیب جناب رب العباده تخصیص بیورلمش ایکن
 حضرت علی کرم الله وجهه کند و ذات عالی لرنی اله انخا ذ ایدن
 زنا دقه بی احراق له تعذیب بیور دقلری مجرد سیاسته ایدوکی اشکار
 و بوکونا عقائد باطله دن زجر امثال ایچون قصد مبالغه بیور دقلری
 بیدار در و بالا ایجاب امام المسلمین ایچون دخی سیاسته احراق بالنار ایله
 تعذیب ایملک سزاوار اولور ❁ مترجم فقیر دیر که سیر کبیره قطع میاه
 و تحریق حصون ایله اهل حربی تضییقک جواز و عدم جوازی
 باینده امام محمد رجه الله حضرت تلمی بیان بیورر که سلمه بن الاکوع
 رضی الله عنه جناب لرندن مر ویدر که زمان معاویه رضی الله عنه ده
 سفاین بحر را کب اولوب اهدایه ملاقی اولدیغیزده انلره محرق
 نسنه لر رمی ایملدک پس بو قولدن عندیغیزده معلوم اولمشدر که اعدا
 کند و منع لرنده اولدیجه احراق لری مسلمین ایچون جائز در
 اما اسیر مأخوذ ده احراق بالنار مکر و هدر زیر رسول الله صلی الله
 علیه وسلم معاذ بن جبل رضی الله عنیه بعث ایملدکلرنده اکا
 امر و فرمان بیور دیلر که ❁ انظر فلانا فان امکنک الله منه فاحرقه
 بالنار ❁ یعنی فلانی اخذده اهتمام قیل الله تعالی سنی اوزرینه اقدار
 ایدر سه انی احراق بالنار قیل بعده معاذ رضی الله عنه کیدر ایکن
 انی دعوت قیلوب بیور دیلر که ❁ انی قلت لك ذلك وانا غضبان
 وانه لیس لاحد ان یعذب بعذاب الله ولکن ان امکنک الله منه فاقتله ❁
 یعنی یامعنا ذ اول کلامی سا که حال غضبیده تکلم ایلدم حالبو که
 الله تعالی نیک ایده جکی عذاب له تعذیب کسنه یه لایق دکلدلر لکن
 الله تعالی سنی اول شخص اوزره اقدار ایدر سه همان انی قتل ایله
 پس بو حدیث عدا لئنثار دن عندیغیزده بیدار اولمشدر که بعد الاخذ

والقدرة مشركى احراق بالنار ايلك جائز دكلدر انتهى مافى السير
 ملخصا الحاصل نوع بنى آدمى بلكه ذى روح اولان جنس حيوانى
 احراق بالنار ايلك ممنوع در زيرا مثله در مثله ايسه على الاطلاق
 منهى هتادر ورسول الله عليه السلام ❖ لا يعذب بالنار الا ربهها ❖
 يعنى نار ايله انجق رب النار عذاب ايدر قول شريف نرنده احراق ايله
 تعذيبدن بخصوصه نهى بيور مشلدر بويله ايكن من حرق حرقناه
 حديث شريفك و تحريق زنادقه قصه سنك هيمان ظاهر رينه
 تفرع ايله على الاطلاق امام المسلمين ايجون دخى بالايجاب احراق
 بالنار ايله سياستك جوازينه مؤلف رساله دده افتدى مرحومك
 اجنسا رنده در كار اولان برنوع خالله تلج ايجون سير كبرده ظفر باب
 اولد بغم تنجج مجسى ايراد ايله اظناب كلامه ابتدار اولدى قالد يكه
 ❖ من حرق حرقناه ❖ حديث شريفى و تحريق زنادقه قصه سى قبل
 النهى عن المثلث صادر اولمش اوله يا خود قوم زنادقه صاحب منعه
 اولد قلرينه بناء احراق ايله تعذيبلى روا كورلمش اوله يا خود بهض
 شرا حك روايتى اوزره قوم مخذول فن سمرده ما هر اولد قلرندن
 احراق بالنار دنمعدا اسباب اعدام ايله اهلا كارى متعسر اولغله
 بومقوله مواضع ضرورنده الضرورات تبج المحظورات قاعده سى
 لازمه سبجه احراقه تعذيبلى تنسب بيورلمش اوله ديو قابل توجيه
 وتوفيقدر انتهى معتبرات كتب فقهيه دن شرح الوقايه وهدايه
 نام كتابك بمبحث حدودنده عمل قوم لوط اولان فعل منكر حقتده
 امام شافعى رحمه اللهك روايت ايلديكى ❖ اقتلوا الفاعل
 والمفعول ❖ حديث شريفى سياسته محمول ايدوكى مسطوردر و امام
 پزدوينك جامع الشروح نام كتابنده پزدويدن مروى اولق اوزره
 مذكوردر كه حضرت صديق عتيق رضى الله عنهمك شهود
 قصاصى بعد الرجوع قتل بيورد قلى سياسته محمولدر و شرح

الهدایه تک بحث حدودندہ مذکوردر کہ دفعہٴ خامسہ یہ اجسار
 ایدن سارق حقندہ مروی اولان ❖ فان عادافاقتلوه ❖ حدیث شریفی
 سیاستہ محمول اولدیغی کبی لواطہ حقندہ روایت قلنان احادیث
 جلیلہ واثار وارده دخی سیاستہ محمولدر کذلک بیان الروایہ نام کتابدہ
 دخی منقولدر کہ جناب رسالتیناہ علیہ اکمل صلوة الالاه
 حضر تبردن وصحابہ کز بن رضی اللہ عنہم اجمعین جنا بلرندن
 لواطہ حقندہ وارده اولان قتل ورجم وتنکبسی یعنی باشی آشغی صلب
 ایتک و بونک امثالی عقوبات شدیدہ لر جله سی سیاستہ محمولدر
 ورأی مزبور بزم عند مزندہ یعنی مذهب حنفیہ دہ دخی بطریق التعزیر
 والسیاسة جائزدر کورمز مہسنکہ امام محمد رحمہ اللہ تعالی طاهر
 الروایہ اولان کتاب زیادا تندہ دیدیکہ ہ ہوفمل منکر سبیلہ تعزیر
 واجب اولور یعنی اول شخص خبثتکار سوء صنعی مقابله سندہ
 امام المسلمینک رأی مقصداری تعذیب اولنور کہ سلطان المسلمین
 حضر تبری مخیر در دیلرسہ قتل واعدام ایدرا کر چه اول فعل
 منکری اعتبار ایتش ایسہ یادیلرسہ ضرب وجیع ایلہ تأدیب وتوبہ سی
 ظاہر اولنجیمہ دک حبس زندان ایلہ تنکب ایدر ❖ معین الحکامدہ
 امام العراقی رحمہ اللہک ذحیرۃ المالکیہ نام کتابدہ بیان ایلدیکی
 وفقبحہ منقولدر کہ بیلک کر کدر کہ طرف سلطنت سنہ دن
 تنفيذ حکمہ مأمور اولان ولایہ وحکامہ احکام سیاسیہ دہ وسعت
 اعطا ایلک شرع شریفہ مخالف دکدر بلکہ توسعت مشروعینہ
 نقل وایشار اولنان ادلہ واثار دلالت ایتدیکی ❖ بوجه آتی
 ذکر اولنہ جق وجوه عدیدہ وقواعد شرعیہ دخی شہادت ایدر
 وجوه مرقومہ دن وجہ اول عصر سابقہ مخالف بحسب الزمان نمحدث
 وتکثر ایدن فساد منتشر اولوب وبوانتشار فساد بالاخرہ احکام
 سیاسیہ تک اختلافی موجب اولشدر بشرط آنکہ بو اختلاف احکام